

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dialogorum sacrorum Libri Quatuor

Châteillon, Sébastien

Basileae, 1565

Bethsaba

urn:nbn:de:bsz:31-102436

Berzelæus, Dauid.

Salue, nobis tandē reddite Israelitarum rex. **D.**
So ſalue multū Berzelæe, homo de me mul-
 tū benemerite. Traijcies tu mecū Iordanē: ego te
 apud me alam Hieroſolymis. **B.** At quot annos na-
 tus, ut cum rege Hieroſolymam aſcendam? Ago nūc
 octogefimum anum: ^a potero ne bonum à malo di-
 ſcernere? potero ne cibo & potione delectari? aut
 fidicinum, fidicinarum ue cantus audire? quid opus
 eſt ut tibi amplius ſim oneri? Liceat mihi tecum pau-
 lulum trans Iordanem progreſſo (cur enim tanto me
 cumules beneficio?) liceat inquam reuerti, et in mea
 patria finire uitam, inq; meorum parentum ſepul-
 chro humari. Cæterum hic Chamaamus tecum per-
 get: hoc tu utēris, ut tibi uiſum erit. **D.** Ergo traj-
 ciat Chamaamus, ^b ego eum omnibus beneficijs orna-
 bo, quibus ornandum eſſe iudicaueris: tibiq; omnia
 præſtabo, quæ à me expetiueris.

SENTENTIA.

In homines pios & gratos bene conferuntur beneficia.

BETHSABA.

3. Reg. 1.

ARGUMENTVM.

Bethſaba, de Nathanis cōſilio, à uetulo Da-
 uide impetrat, ut rex creetur Solomo.

h 5 Nathan

a Senectū
 iudicio d
 citur, & u
 ptatum i
 nus capar
 eſt.

b Etiam
 cis, bene
 nobis me
 rum grat
 referre c
 cij eſt.

Nathan, Bethsaba, Dauid.

Banaias.

AN' non audiisti, Bethsaba, Adoniam Hagithæ filium, regem creatum esse, in scio domino nostro Dauide? Age dabo tibi cōsiliū, quo tuæ, tuiq; filij Solomonis uitæ consulas. Conueni regem Dauidem, & ex eo quære qui fiat, ut cum Solomoni filio tuo regnum post se, soliumq; suum sit pollicitus, nunc regnet Adonias. Ego te adhuc cum eo colloquente, ingrediar post te, & tuam orationem complebo. **B.** Bene consulis, adeo eum. Salue rex. **D.** Quid uis? **B.** Domine, tu mihi per Iouam Deum tuum iurasti, Solomonem filium meum post te regem fore, & in solio tuo sessurum. Atqui adonias, te nesciente, regnum inuasit, bouesq; & altitalia, ouesq; & capras magna copia immolauit: ad quas epulas cū regios omnes, Abiatharemq; pontificem, & exercitus ducem Iouabum inuitauerit, Solomonem tuum non inuitauit. In te autem, domine Rex, omnium Israelitarum oculi sunt intenti, ut eis significes, ecquis sit in solio tuo post te sessurus. Te quidem uita defuncto, mecum, & cum meo nato Solomone pessimè agetur. **N.** Salue rex Israelitarum: Iussisti ne Adoniam tibi in regnum succedere? Nam is quidem hodie rus descendit, pecoraq; multa mactauit: & eò regios omnes natos, exercitusq; duces & Abiatharem pontificem uocauit, qui nunc apud

puā cum epulantur, Adoniamq; regem salutant: me uerò, & Sadocum pontificem, & Banaiam Ioiadae filium, & Solomonem tuum, non inuitauit. Velim ex te scire an hæc res te autore fiat, neque tu mihi significaueris ecquis sit in tuo solio post te sessurus. **D.** a. Euocetur huc mihi Bethsaba. Audi Bethsaba. Per Iouam immortalem, qui meā uitam ex tot angustijs eripuit, quem admodum tibi Iouam Deum Israelitarum iurauit, Solomonem filiū tuum post me esse regnaturum, & in solio meo pro me sessurū, sic hodie faciam. **C.** Vitam regi Dauidi precor sempiternam. **D.** Conuocentur huc Sadocus pontifex, & Nathan uates, & Banaias Ioiadae filius. **N.** Adsumus. **D.** Adhibete uestros conseruos: & Solomonem filium meum mula, quā habeo, impositum, deducite Gehonē: cumq; ibi tu Sadoce, & tu Nathan, regem Israelitarum ungitote: tum tuba clangitote, & Solomonem, regem salutatote. Deinde uobis sequentibus, ipse uenito sessum in solio meo, pro me regnaturus. Hunc enim tum Israelitarum, tum Iudeorum imperatorem esse iubeo. **A.** Faxit Ioua Deus tuus, domine rex, ut quem admodum tibi adsuit, sic adsit etiam Solomoni, eiusq; solium etiā supra Dauidicum extollat.

SENTENTIA.

Sapientioris consilium sequi, sapientia est.

SOLOMO. 3. Reg. 3.

ARGV

a Recessere
uidelicet pa
lisper Beths
ba, in aduen
tu Nathani